



Inatsisartunut ilaasortaq
Hans Aronsen
Inuit Ataqtigiit
Maani/

§ 37 naapertorlugu apeqqummut nr. 140-mut akissut

Ulloq: 24-05-2017
Suliap normua: 2017-11386
Allagaatini nr. 5433303

Inatsisartut suleriaasianni § 37, imm. 1 naapertorlugu raajarniarnerup aqunneqarneranut tunngatillugu Naalakkersuisunut apeqquteqarsimavutit. Apeqqut uanga suliassaqarfigisannit akineqartussanngorlugu innersuunneqarpoq.

Postboks
269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqut 1

Avataasiorluni raajartassanik ataasiakkaatut pigisaqalersimaneq inuiaqatigiinnut tamakkiisumik sutigut sunniuteqarnerluppa aammalu sunniutigissaarpa.

AKISSUT 1:

Raajanut pisassiissutit nammineq pigisat tuniniarneqarsinnaammata iluaqutisartaqarpoq. Tunisisinnaanerullu kingunerivaa aalisarnermi pissusissamisoor-tumik aaqquissuusaanikkut naleqqussarsinnaasoqalermat. Tamatumunngalu pissutaavoq aalisartut aalisarluarsinnaanngitsut pisassaraluatik aalisarluarsinnaanerusunut tunisinaalersimammatic. Taamatuttaaq aalisartut ukioq naallugu pisassiissutinik naammattunik peqanngitsut ataatsimuulernissaannut periarfissaqarpoq, taamaalillutillu aalisarluarsinnaanerunertik angusinnaallugu.

Raajanut pisassiissutit aalisarluarsinnaanerunit aalisarneqarnerat inuiaqatigiit aningaasaqarnerannut iluaqutaasorujussuuvoq. Taamaalilluni raajarniarnermi ataatsimut aningaasartuutigineqartut millisinneqassapput, tamatumalu kingunerissallugu raajarniarnermi sinneqartoorutit annertunerpaat pissarsiarineqarnerat. Raajarniarnermi sinneqartoornerusoqarpat inuiaqatigiit pisuussutit aqutugalugit pissarsiaqarnerussapput.

Pisassiissutinik nammineq pigisanik tuniniarneqarsinnaasunik tunniussisarnermi ajoqutaanerpaajuvoq pisassiissutit aalisartunut ikittuinnarnut tunniunneqartarmata. Naalakkersuisunit kissaatigineqarpoq pisassiissutinik piginnittuuneq - aamma raajarniarnermi - aalisartunut arlalinnut siammarsinnaanissaat.

Apeqqu 2

Raajartassaattillit pisassamik piasisinnaanngisamik ilaat aalisartoqamminnut tuneqqittarpaat ukiumut tamanna aningaasanngorlugu qanoq annertutigisumik piginnittunit iluanaarutigineqartarpa?

AKISSUT 2:

Pisassiissutit tuniniarneranni Naalackersuisut taamaallaat pisassat annertus-susiinut paasitineqartarput, aalisartullu akunnerminni qanoq akinut isumaqati-giissuteqarnersut pinnagit. Taamaammatt aalisartut aalisartunut allanut pisassa-minnik tunisinerisigut ukiumut qanoq iluanaaruteqartarnersut oqaatigiumi-naappoq.

Apeqqu 3:

Pitsaasuaa raajartassat piasisinnaanngisat inuiaqatigiit akornanneersunut nunatsinnilu najugaqartunut tunineqaqqittarneri?

AKISSUT 3:

Ataatsimut isigalugu raajarniarnermi pisassiissutigineqartut tuniniarneqarsin-naammata iluaqutaasorujussuuvoq, tamannami aqputigalugu TAC-i tamakkerlugu aalisarneqarsinnaalersarmat. Taamaattoq raajarniat raajarnianik allanik niueqateqarsinnaaneratt kisimi matumani pineqarpoq, matumanilu inuiaqatigiit innuttaasullu pineqarnatik.

Apeqqu 4

Raajartassanik piasisinnaanngisamik pisisitsisarnerit akitsuusiisarnissat naalackersuisunit orniginartinneqarpa?

AKISSUT 4:

Raajanut pisassiissutit tamakkerlugit piasisarpavut, taamaalillunilu raajat tamakkerlugit aalisarneqartarlutik. Naalackersuisulli massakut aalisarneq tamakkerlugu pisuussutinit iluanaarutit pillugit inatsisissamik suliaqarput.

Apeqqu 5

Raajartassat piasisinnaanngisat tuninerini akinik aalajangersaasoqarnissaa Naalackersuisunit pisariaqarsorineqarpa?

AKISSUT 5:

Kalaallit raajarniarnerat pisassiissutinik nammineq pigisanik tuniniarneqarsin-naasunik atuilersimanikkut annertoqisumik iluaquserneqarsimavoq. Tamannami aqputigalugu aalisarneq sunniuteqarnerulersimavoq, ullumikkullu nunatta karsia raajanut akitsuutit, akileraarutit A-t aamma ingerlatseqatigiiffiit akileraarutaat

aqqutigalugit ukiumut annertoqisumik pissarsisarpoq. Periuse-rineqartup iluatsilluarneranut ilaatigut killeqanngitsumik niuersinnaanermut periarfissat pissutaapput.

Akinik aalajangersaasoqartuuppat pisassiissutit ilaannik piginnittut akikinnerusumik tuniniaanissaannik pinngitsaalineqarsinnaapput. Tamannalu niuernerit ikinnerulernerannik kinguneqariaannaavoq, pisassiissutigineqartullu annersaat pisassiissutinik piginnittunit aalisarneqarlutik. Taamaammatt Naalackersuisut isumaqarput pisassiissutinut tuniniarneqartussanut akinik aalajangersaanissaq tulluartsuussanngitsoq, tassami tuniniaasinnaaneq annikillisinneqassaaq, inuiaqatigiinnullu aningaasaqarnikkut kinguneqarnerlulluni.

Inussiarnersumik inuulluaqqusilluta

Karl-Kristian Kruse
Aalisarnermut Piniarnermullu Naalackersuisoq